




O'ZBEKISTON RESPUBLIKASI ADLIYA VAZIRLIGI
X. SULAYMONOVA NOMIDAGI
RESPUBLIKA SUD EKSPERTIZA MARKAZI

O'ZBEKISTON SUD EKSPERTIZASI



Huquqiy, ijtimoiy, ilmiy-amaliy

JURNAL

2025 №2(17)

**O'zbekiston Respublikasi Oliy attestatsiya komissiyasi
Rayosatining 2022-yil 30-apreldagi 315/5-son qarori bilan
“O'zbekiston sud-ekspertizasi” ilmiy jurnali yuridik va
siyosiy fanlar bo'yicha falsafa doktori (PhD) va fan doktori
(DSc) ilmiy darajasiga talabgorlarning dissertatsiyalari
asosiy ilmiy natijalarini chop etish tavsiya etilgan ilmiy
nashrlar ro'yxatiga kiritilgan.**

MUNDARIJA

Акобян А.П. Методические особенности экспертического исследования наезда транспортного средства на пешехода.....	2
Saidov M.S. Yoqilg'i mahsulotlarining yonish-portplashlar yuzasidan texnik ekspertiza o'tkazish metodologiyasi.....	8
Ilyasova N.K. Ekspertning faoliyatida ashyoviy dalillar va profilaktik vazifa.....	18
Medetbayeva A.Sh. Sud-kompyuter texnik ekspertizasining huquqiy jihatlari.....	21
Nizomova Sh.K. Odam tashqi qiyofa belgilari orqali identifikatsiya qilishning huquqiy asoslari va undan sodir etilgan jinoyatlarni fosh qilish hamda tergov qilishda foydalanish.....	26
Ромаданова Т.А. Основы и перспективы развития судебно-траасологической экспертизы.....	33
Atajanov A.A. Sudyalik maqomi sudyalar mustaqilligining kafolati sifatida.....	37
Abjalov A.M. Jamoat xavfsizligi tizimida axborot texnologiyalarni davlat boshqaruviga joriy etishning obyektiv zarurati.....	45
Nishanova N.B., Yuldasheva D.M. Mediakommunikatsiyada axborot manipulyatsiyasi turlari xususida.....	50
Омонов Р. Искусственный интеллект, применяемый в СМИ: положительные и негативные аспекты.....	54
Musaev M.T. “Ommaviy madaniyat” tizimida prozelitizm.....	59
Акмалов Ш.И. “Мягкая сила” как действенный инструмент обеспечения национальных интересов Ирана.....	65
Murodullayeva N.A. Ota-onalarning teng huuqlilagini ta'minlashdagi huquqiy va amaliy muammolar.....	72
Sarmonov T.G. Jinoyatchilikning oldini olishga qaratilgan davlat siyosati siyosatshunoslik fani obyekti sifatida.....	76
KARSHIYEV Sh.S. Ko'p konfessiyalik sharoitida millatlararo munosabatlarda diniy bag'rikenglik omili	86
Raximova S.G., Shokirova M.N. Yangi O'zbekiston sharoitida siyosiy partiyalarning yangicha faoliyati hamda modernizatsiyalashgan mqsad va vazifalari.....	91
Xolmaxmatov A.H. O'zbekistonda yoshlarga oid davlat siyosatining institutsiyonallashuvi jarayonlarining evolutsion dinamikasi.....	98
Qolqanov N.T. O'zbekiston Respublikasi tashqi siyosatining asosiy yo'nalishlari.....	105
Shadiyeva S.A., Razzaqberganova M.O. To'lovga qobiliyatsizlik to'g'risidagi ishda rehabilitatsiya taomillari: muammo va istiqbollar.....	113
Vorisova K.O. Turkiy davlatlar tashkiloti doirasida integratsion jarayonlarning siyosiy va iqtisodiy rivojlanish xususiyatlari.....	119

Muassis:

**O'zbekiston Respublikasi Adliya vazirligi
huzuridagi X.Sulaymonova nomidagi
Respublika sud ekspertriza markazi**

Bosh muharrir:

Akram XALILOV

Bosh muharrir o'rinosi:

Uchkun UZAKOV

Mas'ul kotib:

Nuriddin QOLQANOV

Tahrir hay'ati:

Akbar TASHKULOV

Sherzod RABIYEV

Jamshidxon NURITDINOV

Istam ASTANOV

Narzulla JO'RAYEV

Odil MUSAYEV

Oybek SIROJOV

Eshmuxamad KADIROV

Shuhrat RAXMANOV

Saidillaxodja SAIDXODJAYEV

Shuxrat OTAQULOV

Nilufar XALILOVA

Nadejda KORABLYOVA

Murodjon MAXKAMOV

Sanjar KUDRATOV

Niyyora SAITOVA

Mas'ul muharrir:

Husan NISHONOV

Dizayner:

Faxriddin RAHIMOV

Sahifalovchi:

Malohat TOSHOVA

“O'zbekiston sud ekspertrizi” huquqiy,
ijtimoiy, ilmiy-amaliy jurnalni

O'zbekiston Respublikasi Prezidenti
Adminstratsiyasi huzuridagi Axborot va ommaviy
kommunikatsiyalar agentligida 2021-yil 4-iyunda
1185-sonli guvohnoma bilan ro'yxatga olingan.

Tahririyat manzili:

100105, Toshkent shahri, Mirobod tumani
Farg'on'a yo'li ko'chasi.

Telefonlar:

(71) 209-11-55 (153 ichki), (93) 171-37-74

web-site: www.sudex.uz

e-mail: info@sudex.uz

facebook.com/sudex.uz

telegram.me/sudex.uz

Jurnal 25.04.2025-yilda bosmaxonaga topshirildi.

Qog'oz bichimi 60x84 1/8. Offset usulida bosildi.

Shartli 6,75 bosma taboq. Buyurtma № 001. Adadi 100.

“Reliable Print” MCHJ bosmaxonasida chop etildi.
Toshkent shahri, Yakkasaroy tumani, Qushbegi ko'chasi, 6-uy.

ANNOTATSIYA

Millatlararo ziddiyatlar barcha xalqlar va mamlakatlar uchun eng global muammolardan hisoblanadi. Ushbu muammolar xali barcha davlatlarda ham to'liq o'z yechimini topmagan. Millatlararo ziddiyatlar ko'proq o'zaro milliy manfaatlarning to'qnashuvidan kelib chiqadi. Bugungi kundagi yana bir muhim vazifalardan millatlararo totuvlik g'oyasi hamda diniy bag'rikenglikni ta'minlash bilan bog'liq. Jaxon va mamlakatimizda bu bora-da olib borilayotgan siyosat va islohotlar mazmuni bo'yicha maqolada fikr yuritilgan.

Kalit so'zlar: millat, etnos, millatlararo munosabatlari, millatlararo ziddiyat, polietnik davlat, milliy-etnik jamoalar, din, diniy bag'rikenglik, konfessiya, etnosiyosat, fundamentalism, terrorizm

АННОТАЦИЯ

Межэтнические конфликты являются одной из самых глобальных проблем для всех народов и стран. Решение этих проблем полностью не найдено во всех странах. Межэтнические конфликты чаще всего возникают из-за столкновения национальных интересов. Еще одна важная задача сегодня связана с идеей межнационального согласия и обеспечения религиозной толерантности. В статье рассматривается содержание политики и реформ, проводимых в этом направлении в мире и в нашей стране.

Ключевые слова: нация, этнос, межэтнические отношения, межэтнический конфликт, полигетническое государство, национально-этнические общности, религия, религиозная толерантность, конфессия, этнополитика, фундаментализм, терроризм.

ANNOTATION

Interethnic conflicts are one of the most global problems for all peoples and countries. The solution to these problems has not been fully resolved in all countries. Interethnic conflicts arise more from the clash of national interests. Another important task today is related to the idea of interethnic harmony and ensuring religious tolerance. The article discusses the content of the policies and reforms being carried out in this regard in the world and in our country.

Key words: nation, ethnicity, interethnic relations, interethnic conflict, polyethnic state, national-ethnic communities, religion, religious tolerance, confession, ethnopolitics, fundamentalism, terrorism.

KO'P KONFESSIYALIK SHAROITIDA MILLATLARARO MUNOSABATLARDADA DINIY BAG'RIKENGLIK OMILI

*KARSHIYEV
Sherzod Saydaliyevich,
siyosiy fanlar bo'yicha falsafa doktori,
dotsent v.b.*

KIRISH

O'zbekiston o'zining ko'p asrlik tarixi davomida qadim-qadimdan ko'pmillatli va ko'pkonfessiyali aholisiga ega bo'lgan mamlakat sifatida dinlararo va millatlararo munosabatlarni uyg'unlashtirish hisobiga xalqaro maydonda O'zbekistonning obro'si oshib bormoqda. Istiqlol yillarda ushbu hamjihatlik yanada mustahkamlandi. O'zbekiston Respublikasi Prezidenti Sh.M.Mirziyoyev ta'kidlaganidek, "Mustaqillik yillarda mamlakatimizda millatlararo munosabatlar rivojida yangi bosqich boshlandi. Bag'rikenglik va insonparvarlik madaniyatini rivojlantirish, millatlararo va fuqarolararo hamjihatlik va totuvlikni mustahkamlash, yosh avlodni shu asosda, Vatanga muhabbat va sadoqat ruhida tarbiyalash O'zbekistonda davlat siyosatining eng muhim ustuvor yo'nalishlaridan biri etib belgilandi. Bularning barchasi hayotda o'zining to'liq ifodasini topdi"¹. Bizga ma'lumki, ko'pmillatli demokratik jamiyatda ko'pincha millatlararo munosabatlar davlat siyosatining asosiy komponenti sifatida namoyon bo'ladi. O'zining tarkibi va mazmuni jihatidan xilma-xil xalqlar birligidan tashkil topgan bizning jamiyatimizda millatlararo totuvlikni saqlashga alohida e'tibor berib kelinmoqda. Insonparvar, adolatli, huquqiy jamiyat qurishni o'z oldiga maqsad qilib qo'ygan mamlakatimiz aholisi ongida har bir millatning o'z milliy madaniyati borligini, har bir etnos, etnik guruh dunyoda yagona ekanini, ularga nisbatan hurmat bilan munosabatda bo'lish, zinhor birini boshqasidan ustun qo'yish mumkin emasligini nazardan ochirmaslik nihoyatda muhim hisoblanadi.

MAVZUGA OID ADABIYOTLARNING TAHLILI

BMTning YUNESKO tashkiloti tomonidan 1995 yili qabul qilingan "Bag'rikenglik tamoyillari deklaratsiyasi"da bag'rikenglik tushunchasiga qo'yidagicha ta'riflar berilgan va uning mohiyati yoritilgan: Bag'rikenglik - bizning dunyodagi turli madaniyatlarning, o'zini ifodalash va alohidaligini namoyon qilishning xil usullarini hur-

mat qilish, qabul qilish hamda to'g'ri tushunishni anglatadi. Bag'rikenglik bilim, samimiyat, ochiq muloqot, hur fikr, vijdon va e'tiqodni vujudga keltiradi. Bag'rikenglik turli tumanlikdagi birlikdadir. U burchgina emas, balki, siyosiy va huquqiy ehtiyoj hamdir. Bag'rikenglik – tinchlikka erishishni ta'minlovchi va urush madaniyatsizligidan tinchlik madaniyatiga eltuvchi kuchdir. Bag'rikenglikni namoyon qilish inson huquqlariga befarq yoki ijtimoiyadolatsizlikka sabr-toqatli munosabatda bo'lish, iymon-e'tiqodidan voz kechib boshqalarning e'tiqodiga yon bosish emas. Bu shuni anglatadiki, har kim o'z e'tiqodiga amal qilishda erkendir va har kim bu huquqqa boshqalar ham ega ekanini tan olmog'i lozim. U shuni anglatadiki, odamlar tashqi ko'rinishi, qiyofasi, o'zini tutishi, nutqi, xulqi va qadriyatları jihatidan farqlanadi, ular dunyoda yashashga va o'zlarining ana shu individualligini saqlab qolishga haqlidirlar. U yana shuni aglatadiki, har bir kishining qarashlari boshqalarga majburan singdirilishi mumkin emas².

Tadqiqot metodologiyasi.

Diniy bag'rikenglikning millatlararo munosabatlarga ta'siri quyidagilarda namoyon bo'ladi:

Birinchidan, din va diniy qadriyatlar etnosiyosiy paradigmaga qarshi chiqmaydi, balki rivojlanishini ta'minlashga o'z vosita va usullari bilan yordam beradi. Etnosiyosiy paradigmanning strategik maqsadi jamiyatning barcha a'zolari, shu jumladan denga e'tiqod qiluvchilar, konfessiyalar, diniy tashkilot a'zolriga ham daxldordir;

Ikkinchidan, O'zbekiston - boshqaruvning respublika shakliga ega bo'lgan suveren, demokratik, huquqiy, ijtimoiy va dunyoviy davlat³, unda din davlatdan ajratilgan, din davlat ishlariga aralashmaganidek, davlat ham diniy idoralar, tashkilotlar ichki ishlariga aralashmaydi. Biroq bu din va diniy idoralar, e'tiqod qiluvchilar istagan ishini qilishi, davlat va jamiyat hayotiga indiferent munosabatda bo'lishi mumkin, degan fikrga olib kelmasligi zarur. Dindorlar qanday ijtimoiy-axloqiy va siyosiy-huquqiy qadriyatlarga tayanishiga davlat, jamiyat befarq qaray olmaydi;

Uchinchidan, xalqlar, millatlar inoq yashaganida, strategik maqsadni o'zining hayotiy maqsadi si-

¹ Yunesko xalqaro me'yoriy hujjatlari. Konvetsiyalar, bitimlar, protokollar, tavsiyanomalar, deklaratsiyalar. (To'plam) "Bag'rikenglik tamoyillari deklaratsiyasi". - Toshkent: "Adolat", 2004. - 91-92 b.

² O'zbekiston Respublikasining Konstitutsiyasi – Toshkent: "O'zbekiston", 2023. – 5 b.

³ O'zbekiston ovozi gazetası. 26.01.2017

fatida qabul qilganida ijtimoiy taraqqiyotni ta'minlash mumkin;

To'rtinchidan, polietnik davlatlarda etnomadaniy plyuralizm va politeizm tabiiy hol hisoblanadi. Etnomadaniy plyuralizm bilan politeizmni murosada ushlab turish, ularni ijtimoiy taraqqiyot manfaatlariga xizmat qilishini ta'minlash etnosiyosiy paradigm zimmasidagi murakkab vazifalardan biridir;

Beshinchidan, diniy bag'rikenglik destruktiv guruhlarga, fundamentalism va terrorizmga xushomad, yon bosish emas, u mudom xatti-harakatlар va g'oyaviy qarashlarni ijobjiy yoki salbiy xarakterga ega ekanini ajrata oladigan voqelikdir. Insonning "ijtimoiy mavjudot" ekanligi uning xatti harakatlari va g'oyaviy qarashlariga ma'lum bir talablar, xatto chekshanishlar qo'yadi. Bu ijtimoiy talablar va chekshanishlar huquqiy normalar hamda ma'naviy-axloqiy imperativlar orqali belgilanadi;

Oltinchidan, millatlararo munosabatlarda dinga, diniy qadriyatlarga tayanish vijdon erkinligi orqali ta'minlanadi. Qaysi dinga e'tiqod qilish, qanday diniy qadriyatlarni e'zozlash, targ'ib etish va qo'llab-quvvatlash shaxsning konstitutsion huquqidir. Ammo din va diniy tashkilotlarning millatlararo munosabatlarga bevosita aralashishi, ularni u yoki bu shaklda uyuştirish, bir millatni ikkinchisiga qarshi qo'yishi mumkin emas. Milliy etnik din yoki diniy tashkilot bo'lishi davlatning polietnik va politeistik xususiyatiga ziddir. Dinga e'tiqod millat, etnik belgi tanlamaydi, u har bir insonning ixtiyoridagi ishdir;

Yettinchidan, millatlararo munosabatlarda din va diniy tashkilotlar to'plagan tarixiy-madaniy, ijtimoiy-axloqiy tajribalardan foydalanish har ikki tomon, ayniqsa ijtimoiy taraqqiyot uchun, konstruktiv ahamiyatga ega. Lekin etnosiyosiy paradigma dinda konservativ va dogmatik unsurlar ham borligini, ulardan destruktiv kuchlar foydalanishga intilayotganini unutishi mumkin emas. Diniy fundamentalizm va terrorizm keng tarqalayotgani bois, davlatlararo, millatlararo munosabatlarda bir biriga shubha bilan qarash, to'la ishonmaslik real voqelikka aylangan. O'zbekistonda politeizm qaror topgan, aholining 90 foizdan ortig'i islom diniga, qolganlari boshqa dinlarga e'tiqod qiladi. "Bizning mamlakatimiz azal-azaldan qadimiy dinlar rivoj topgan makon sifatida dunyo sivilizatsiyasi tarixida alohida mavqega ega. Bu muborak zaminda bizning ajdod-

larimiz boshqa din vakillariga doimo hurmat bilan qaraganlar, mana shu yurt ozodligi yo'lida ular bilan birga kurash olib borgani, yelkadosh bo'lib mehnat qilganini hech kim inkor eta olmaydi"⁴. Haqiqatan ham, mintaqamizda g'oyat xilma-xil dinalar, madaniyatlar va turmush tarzları tutashgan va turli xalqlarning tinch-totuv yashashini ta'minlagan markaz bo'lib kelgan. E'tiborli jihat, 2020 yil 13 oktyabr kuni Birlashgan Millatlar Tashkiloti Bosh Assambleyasida bo'lib o'tgan saylovlarda O'zbekiston milliy davlatchiligidan tarixida ilk bor Birlashgan Millatlar Tashkilotining Inson huquqlari bo'yicha kengashi a'zoligiga uch yil muddatga 2021-2023 yillarga saylandi. Mamlakatimiz uchun Birlashgan Millatlar Tashkilotiga a'zo 193 davlatdan 169 tasi ovoz berdi. Bu saylovda eng ko'p ovoz to'plagan davlat O'zbekiston bo'ldi. Bu ham yurtimizda millati va dinidan qat'iy nazar, inson huquqlarini ta'minlashga qaratilgan, shu jumladan, millatlararo totuvlik va diniy bag'rikenglik sohasida olib borilayotgan siyosatning e'tirofi desak, mubolog'a bo'lmaydi⁵. Diniy bag'rikenglik etnik nizolar, fuqarolar urushi va mutaassiblikdan, achchiq tarixiy tajribadan kelib chiqqan g'oyadir. Diniy bag'rikenglik o'z e'tiqodi va dinidan voz kechish kerak, degan ma'noni bildirmaydi, balki, u insonlarning qadr-qimmatini, vijdon erkinligi va mustaqil fikr yuritishini hurmat qilishni anglatadi. Respublikamizda istiqomat qiluvchi turli din vakillari o'rtaida inson huquqlari va erkinliklari ustuvorligiga asoslangan teng huquqlilikning mayjudligi va konfesiyalararo hamkorlikning yaxshi yo'lga qo'yilgани мamlakatimizda ijtimoiy barqarorlikka zamin yaratmoqda.

TAHLIL VA NATIJALAR

Davlatimizning dinga "inson e'tiqodsiz yashay olmaydi", degan tamoyil asosida munosabatta bo'lishi ham konfessiyalararo munosabatlarni sog'lomlashtirishga hizmat qiladi. Konstitutsiyamizning 35-moddasida: "Hamma uchun vijdon erkinligi kafolatlanadi. Har bir inson xohlagan dinga e'tiqod qilish yoki qaysi dinga e'tiqod qilmaslik huquqiga ega. Diniy qarashlarni majburan singdirishga yo'l qo'yilmaydi"⁶, deb belgilab qo'yilgan.

⁴ Karimov I.A. Vatan ravnaqi uchun har birimiz mas'ulmiz. T. 9. – Toshkent: "O'zbekiston", 2001. – 222 b.

⁵ Temur Ahmedov, Millatlararo totuvlik va dinlararo bag'rikenglik — yuksalish poydevori / Yangi O'zbekiston: Dekabr 2020

⁶ O'zbekiston Respublikasining Konstitutsiyasi – Toshkent: "O'zbekiston", 2023. – 24 b.



Unda dunyoviy davlatning dinga bo'lgan munosabatini ifodalaydigan asosiy tamoyillari o'z ifodasini topgan. Unga muvofiq:

birinchidan, davlat asosiy qonuni orqali dinga qarshi siyosat yurgizmaslikni o'z zimmasiga oladi;

ikkinchidan, e'tiqod qilish yoki qilmasldik har bir insonning ajralmas huquqi ekanligi e'tirof etiladi;

uchinchidan, yuqoridagi ikki asosiy tamoiylardan kelib chiqqan holda va jamiyatda e'tiqodiy munosabatlarni tartibga solish va uni ta'minlash uchun davlat diniy qarashlarning majburan singdirilishiga yo'l qo'ymaslikni kafolatlaydi. Respublikamizda 16 diniy konfessiya va 2337 dan ortiq diniy tashkilot faoliyat olib boradi. Mazkur tashkilotlardan 2131 tasi islom diniga, 33 tasi rus pravoslav cherkoviga, 24 tasi Yevangel, xristian baptistlar Ittifoqiga, 22 tasi Yevangel Pol xristian cherkoviga, 4 tasi Yevangel - lyuteran cherkoviga, 11 tasi yettinchi kun advintislar cherkoviga, 5 tasi Rim - katolik cherkoviga, 1 tasi Arman - apostol cherkoviga, 7 tasi Baxay-ishonch uyushmasiga, 2 tasi Krishna jamiyatiga, 2 tasi iyegovlarga, 8 tasi iudeya jamoasiga, 60 tasi protestantlar cherkoviga, 1 tasi O'zbekiston Bibliya jamiyatiga, 1 tasi Golos

Boji jamoasiga va yana 1 tasi Buddha ibodatxonasiga tegishlidir⁷. O'zbekistonda millat va elatlar vakillarining diniy qiziqishlari hurmat qilinadi. Sho'rolar davrida tortib olingan va boshqa maqsadlarda foydalilanigan cherkov, xram, sig'inish uylari, muqaddas maskanlar e'tiqod qiluvchilarga qaytarib berildi. Hozir yurtimizda 30 dan ortiq provaslav xramlari faoliyat ko'rsatmoqda. Toshkentdag'i Aleksandro-Nevskiy, Svyato Vladimirskiy, Svyato-Uspenskiy, Olmaliqdagi Svyato-Uspenskiy Farg'onadagi va boshqa Svyato-Sergeyevskiy, xramlar millatlara-ro munosabatlarni barqarorlashtirish, boshqa millat vakillariga hurmat va ehtirom g'oyasini singdirishga xizmat qilmoqda. Millionlab odamlarning ongi, qalbi va ruhiyatiga ta'sir o'tkaza oladigan dinning jamiyat hayotidagi roliga to'g'ri baho bera olmaslik diniy qadriyatlarni taraqqiyot va dunyoviylik bilan uyg'unlashtirmaslik salbiy oqibatlarni keltirib chiqarishi mumkin.

XULOSA VA TAKLIFLAR

O'zbekistondagi diniy bag'rikenglik sharnona kadriyatlarga, sharnona sivilizatsiyaning

⁷ <http://aza.uz/oz/society/konfessiyalararo-mulo-ot-va-diniy-ba-rikenglik-zhamiyat-bar--16-11-2017>

hayotbaxsh kuchiga, ulardag'i pozitiv tajribalarga asoslanmoqda. Bizning ko'pgina qadriyatlarimiz tarixan islom va undagi gumanistik an'analar bilan bog'liqdir. Bizning fikrimizcha, islomdagi yangi etnosiyosiy paradigmani va mamlakatimizdagi totuvlik, birodarlik va bag'rikenglikni qo'llab quvvatlashga yordam beradigan qadriyatlarni, ijtimoiy-axloqiy g'oyalarni yanada keng o'rganish, targ'ib etish lozim. Polietnik va politeistik davlatlarda konfessiyalararo munosabatlar muhim ahamiyat kasb etadi. Konfessiyalararo munosabatlarning bag'rikenglik asoslariga qurilishi jamiyatdagi umumiyligi ma'naviy

muhitga, qolaversa, ijtimoiy-siyosiy barqarorlikka ta'sir ko'rsatadi.

Yangi tahrirdagi Konstitutsiyamiz dunyoviy davlat, ochiq va adolatli jamiyat qurish, unda tenglik va teng huquqlilik prinsiplarini hayotga tatbiq etish, fuqarolar, ayniqsa, ayollar va bolalar huquqlarini kamsitmaslik g'oyalariga asoslanadi, fuqarolarning munosib hayot kechirishini, millatlararo va konfessiyalararo totuvlikni, ko'p millatli jonajon O'zbekistonimizning farovonligini va gullab-yashnashini ta'minlashga qaratilganligini takidlab o'tishimiz kerak.



ADABIYOTLAR

1. "O'zbekiston ovozi" gazetasi. 26.01.2017.
2. Yunesko xalqaro me'yoriy hujjatlari. Konvetsiyalar, bitimlar, protokollar, tavsiyanomalar, deklaratsiyalar. (To'plam) "Bag'rikenglik tamoyillari deklaratasiysi". – Toshkent: "Adolat", 2004. - 91-92 b.
3. Karimov I.A. Vatan ravnaqi uchun har birimiz mas'ulmiz. T. 9. – Toshkent: "O'zbekiston", 2001. – 222 b.
4. Musayev O. Milliy g'oya va millatlararo munosabatlar. (O'quv qo'llanma) – T.: "Ilm-zifo-zakovat", 2021. - 134 b.
5. Temur Ahmedov, Millatlararo totuvlik va dinlararo bag'rikenglik - yuksalish poydevori / Yangi O'zbekiston: 8 Dekabr 2020
6. O'zbekiston Respublikasining Konstitutsiyasi. – Toshkent: O'zbekiston, 2023. 5-24 b.
7. Musayev O., Karshiyev Sh. Abstract. This article analyzes some aspects of religious tolerance and interethnic relations in Uzbekistan // Russia and the moslem world science-information bulletin. – Москва, 2020. № 3. – P. 71-78.
8. Musayev O., Karshiyev Sh. Socio-philosophical interpretations of such concepts as "ethos" and "nation" as social unit. // International Journal of Advanced Science and Technology. – Copyright, 2020. SER-SC-№5. – Б. 1936-1944.

